



Broj: 13/1-37-27384/19

Tuzla, 31.12.2019. godine

**Komora magistara farmacije TK**  
**Komora magistara farmacije Federacije BiH**

**n/r Predsjednica**

**PREDMET:** Odgovor, dostavlja se.

Poštovani,

Aktom broj: 01-971/19 od 30.12.2019. godine dostavili ste obavijest o obustavi izdavanja lijekova na recept. U aktu navodite da od 01.01.2020. godine apoteke sa Tuzlanskog kantona prestaju sa izdavanjem lijekova na recept, dok se ne uvaži zahtjev o povećanju visine naknade na recept koji bi iznosio 1,50 KM bez PDV-a po receptu.

Ministarstvo zdravstva TK i Vlada TK smatraju da je zahtjev za povećanjem cijene farmaceutske usluge opravdan, a u nadi da bi se navedenim poboljšao status magistara farmacije kao zdravstvenih radnika kako kod javnih, tako i kod privatnih poslodavaca, a što je važno za kvalitetan zdravstveni sistem.

Obzirom da nije donesen Finansijski plan Zavoda zdravstvenog osiguranja Tuzlanskog kantona za 2020. godinu, na sjednici Skupštine Tuzlanskog kantona održanoj 23.12.2019. godine donesena je Odluka o davanju saglasnosti na Odluke o privremenom finansiranju iz obaveznog zdravstvenog osiguranja u Tuzlanskom kantona za period 01.01. do 31.03.2020. godine, odnosno do donošenja Finansijskog plana.

Prema zakonskim odredbama, u periodu „privremenog finansiranja“ nije moguće vršiti povećanje finansiranja bilo koje zdravstvene usluge ili programa zdravstvene zaštite u odnosu na prethodnu fiskalnu godinu. Obzirom da naknada na recept u 2019. godini nije bila na traženom nivou iz vašeg zahtjeva, zakonski nije moguće promptno uvećati naknadu na recept od 01.01.2020. godine.

Ministarstvo zdravstva TK je dostavilo stav prema Zavodu zdravstvenog osiguranja Tuzlanskog kantona, kojim se traži da se u izradi prijedloga Finansijskog plana za 2020. godinu planira povećanje naknade na recept za izdavanje lijekova sa Pozitivne liste lijekova TK. Obzirom da bi potencijalno povećanje cijene farmaceutske usluge zahtijevalo dodatna sredstva u razhodima na stavki farmaceutske usluge, potrebno je objektivno sagledati okvire mogućnosti povećanja cijene farmaceutske usluge. S tim u vezi, možemo sa sigurnošću tvrditi da će doći do povećanja naknade na recept prilikom izrade Finansijskog plana Zavoda zdravstvenog osiguranja TK za 2020. godinu, ali sa sigurnošću ne možemo potvrditi koliko će to povećanje biti, zbog brojnih faktora koji su bitni u načina postupka donošenja konačnog Finansijskog plana ZZO TK.

Kada se donese konačan Finansijski plan Zavoda zdravstvenog osiguranja Tuzlanskog kantona za 2020. godinu, Zavod zdravstvenog osiguranja Tuzlanskog kantona će raspisati Javni poziv za pružanje farmaceutskih usluga, nakon kojeg će sve apoteke Tuzlanskog kantona moći da analiziraju uslove poziva i apliciraju za potpisivanje Ugovora o pružanju zdravstvenih usluga izdavanja lijekova sa Pozitivne liste lijekova Tuzlanskog kantona i lijekova koji se finansiraju po posebnim programima u 2020. godini. Naknada na recept koja bude utvrđena Finansijskim planom priznavala bi se apotekama za sve recepte koji su izdati od 01.01.2020. godine, bez obzira na datum stupanja na snagu Finansijskog plana Zavoda zdravstvenog osiguranja Tuzlanskog kantona za 2020. godinu.

Ministarstvo zdravstva TK, Vlada TK i ZZO TK su zagovarači konstruktivnih pregovaranja u realnim zakonskim i finansijskim okvirima koji neće ugroziti stabilnost finansiranja zdravstvene zaštite, te će sigurno tako i ostati u toku donošenja Finansijskog plana ZZO TK za 2020. godinu zbog odgovornosti prema svim građanima kantona. Međutim, pravno i pregovarački je neozbiljno da u jutarnjoj pošti 31.12.2019. godine, Ministarstvo zaprima akt naslovljen kao „Obavijest“ u kojem „upozoravate“ da ukoliko vaši zahtjevi ne budu ispoštovani odmah, apoteke sa Tuzlanskog kantona prestaju sa izdavanjem lijekova na recept od 01.01.2020. godine, a sigurno ste svjesni pravne nemogućnosti povećanja sredstava za vrijeme trajanja „privremenog finansiranja“, što se ne može okarakterisati kao pravno svjesno pregovaračko ponašanje.

Nadamo se da ćemo u duhu dobrih namjera zajednički nastaviti sa konstruktivnim pregovorima uzimajući u obzir realne pravne, finansijske i socijalne aspekte.

Dostaviti:  
1x naslov  
1x a/a

**MINISTRICA**  
**dr.stom. Dajana Čolić**